

常布衣遊行天下時元稹廉察浙東白居易
出牧錢塘以昇舊友皆慕昇之文學道術遊
致於賓席間問昇生當太平之世何不受榮
祿而久為布衣乎對曰不為世累召之亦不
就乃余吟曰生在儒家遇太平玄德重布

衣輕誰能世路趨名利臣事玉皇歸上清元
與白奇之詩酒延留歲餘復去他遊莫知所
之僖宗廣明元年黃巢犯關之後天下怪然
惟江左稍安宛陵主帥田頌常好道術而昇
五十年前宛陵有耆老為童稚時識之言狀
貌不改於當時人甚異之昇至頌乃延之師
事益厚光澤輕健若四十餘許鬢髮甚黑目
瞳且方牙齒尖銳如排棗核好喫石蓮須更
咬一升皆作兩截人不可學飲酒二斗不醉
絕糧養氣雪中單衣而顏貌益紅時自引中
指指燈文餘若隙風所吹莫知其服餌人問
其道術長生之事皆託辭以對忽告人曰我
厭此兵革紛紛不如去矣時昭宗為朱全忠
所篡昇聞而不平翌日俄氣絕顏色不變舉
之就棺空衣而已年一百四十七歲未月餘

間田頌兵敗禍及昇已先覺而去亦嘗言於
人咸思之異人也後累有於蜀中見之如舊
者焉

伊用昌

伊用昌不知何許人唐末披羽褐往來江右
縱酒狂逸世人呼為伊風子妻年甚少善音
律女工皆盡其妙豪家子以言笑調之教然
有不可犯之色用昌好作望江南詞夫婦唱
和而歌傍若無人夜多宿古寺廢廟中嘗死
於醴陵又於哀帝天祐年間至建昌南城縣
夫婦一夕俱斃鎮將丁其姓以遂除養葬路
傍後一年鎮將抵鍾陵一旦於北市棚下見
用昌夫婦唱望江南詞用昌同鎮將登旗亭
痛飲大醉夫婦連臂高唱出城渡江至游帷
觀題殿壁自稱上方赤龍神王因入西山後
不復出焉

胡二郎

胡二郎嘗見一道士於成都醉卧通衢二郎
憐之每值其醉輒取石支其首道士一日醒
見二郎在傍感之因勸修道且歌以諷曰欲

究丹砂理幽玄無處尋不離鉛與汞無出水
中金金欲煉時須得水水遇土兮終不起但
知火候不參差自得還丹微妙旨人世分明
知有死剛只留心戀朱紫豈知光景片時間
將謂人生長似此何不迴心師至道免逐年
光虛自老臨樽只解醉醺醺對鏡方知漸枯
槁二郎切切聽我語仙鄉咫尺無寒暑與君
說盡只如斯莫戀驕奢不肯去感君恩義言
方苦火急迴心求出路吟成數句贈君辭不
覺便成今與古二郎曰願聞君姓字曰吾爾
朱也乃即屠肆市猪血灌腸置腹中使二郎
食二郎食之甘美方知其異人也道士既去
二郎亦化其家將葬怪其棺輕發之有竹竿
存焉

張龜

張龜不知何許人也唐末得道既仙去常至
成都玉局化洞微大師李乘應之室宋神宗
熙寧五年九月亦賣藥于市中人莫識也士
大夫過於遠怪其安坐不為禮而神丰峻發
與他人賣藥者異也翌日始知為先生而不

知所之乘應字應之能語人休咎趙清獻公
拈為江源令乘應嘗言某年公當入蜀後如
期轉漕梓中復曰徙成都果然漢州太守聶
仲友深欲致乘應乘應不肯往曰斯人天獄
星動矣卒不能致其言無一不驗者蓋有得
於先生云

李夢符

李夢符不知何許人後梁太祖開平初寓南
昌放蕩不羈常以釣竿懸一魚歌漁父引其
詞日新人事買之得錢即入酒家或敲冰入
水及出則氣如蒸遇人與語應口成詩時鍾
傳鎮南昌桂州刺史李瓊以書囑傳云夢符
吾弟也幸為道歸傳今訪於市邸已不知其
所在

樂子長

樂先生名子長海陵人也後梁太祖開平中
家醱釀而性好道人至即飲以酒或詭為道
士服者先生亦輒飲之後有道人來說日人
至以三升飲之豈能足我乎先生問日其飲
幾何日吾飲不可涯也乃縱使飲至夕視之

則醉墮盆中死矣先生懼潛昇益并瘞之後
三日香發越自瘞所出發其瘞則酒滿盆色
渥如丹而芬列異常先生喜曰是異人者使
吾室借仙乎與其家畢飲已悉昇雲而去獨
從子墜地云茹蒜不可以往也然亦壽百餘
歲後即其地築天慶觀

吳涵虛

道士吳涵虛字合靈居然風采未嘗下山終
日沈湎亦無煙火之具俗呼為吳孫好睡經
旬不食常言人若要閑即須懶如勤即不閑
也素不攻文忽作上昇歌日玉皇有詔登仙
職龍吐雲兮鳳著力眼前驀地見樓臺翼草
奇花不可識我向大羅觀世界世界如同指
掌大當時不為上昇忙一時攜向瀛洲邁至
於後唐潞王清泰二年上昇又有荆臺隱士
鐵冠先生樊氏慕合靈之道常騎白牛訪之
楚王馬希範常師之後馬希範嗣位先生不
知所之

李雲卿

李雲卿不知何許人也博通經史尤善作詩

有山房集二十卷當時名公辟舉皆謝不拜
每云上真高仙必須精持戒行陰功濟物連
留心醫道以救人命心神穎悟凡用藥不犯
生命止以金石草木乃謂古仙製方術傳於
後世其間有以蟲魚為藥緣此不得輕舉者
有之可以為戒也先隱西山後徙居廬山北
阜數州千里之地求醫者盈門皆不受金帛
之贈絕慾斷葷其所居近九天使者廟每旦
暮祝日某以醫藥救民病苦不圖權利蓋未
來世永無退志明神靈通必能加護凡居山
六十餘年顏色黃潤目光射人有識者皆云
陰功所致也一日因隨採藥入至深山中忽
睹一人圓冠紫袍相揖日我乃此山之神也
九天使者真王傳命以汝救物有功使我投
汝大清丸華神丹太微天帝君飛天網步地
紀金簡玉字一通自此當絕迹人間精專修
持雲卿再拜告日九天使者不審可得見否
神日汝雖絕慾斷葷猶接迹人間穢氣未除
未可見也方以手授神丹玉字隱沒不見雲
卿由此遠離世俗乃於聖治峯空為室自大

唐穆宗至後唐莊宗同光二年八月一日白日仙去

張薦明

張薦明者燕人也少以儒學遊河朔後去為道士通老子莊周之說後晉高祖天福四年己亥九月辛卯上召見問道家可以治國手對曰道也者妙萬物而為言總兩儀而稱德得其極者尸居枉席之間可以治天地高祖大其言延入內殿講道德經拜以為師忽一日薦明聞禁中奏時鼓曰陛下聞鼓乎其聲一而已五聲十二律鼓無一焉然和之者鼓也夫一萬事之本也能守一者可以治天下高祖善之五年五日賜號通玄先生後不知所之

臣道一曰張薦明可謂造道之深者觀其答高祖之問曰得其極者尸居枉席之間可以治天地道德經曰不出戶知天下不窺牖見天道其出彌遠其知彌少是以聖人不行而知不見而名正以此意又答曰能守一者可以治天下皆本於道德經

賀元

賀元不知何許人也仕後晉為水部員外郎得道不死宋真宗東封泰山水部謁道左籍首而去至暮行宮闕謁奏之帝大驚謁尾有詩其一曰醒日常稀醉日多吟風味道鬱嵯峨深宮不及孤臣慮世事紛紛奈酒何其二曰三朝功業獨巍巍老去憂民志不衰欲得八方同一醉此心那許世人知詔有司物色不可得仁宗天聖初使弟子喻澄詣闕獻降屠老子像直數十萬又有喬全者少得大風疾因去家自棄荒山遇水部教之啗松腴精使學道年八十上下山如飛數從水部東遊過維却水上哲宗元祐初全來東都見蘇軾子瞻曰吾師嘗游密州識君於常山道中意若喜君者子瞻留之不可曰吾師以上元期我於蒙山矣子瞻作詩送全并以絕句五解寄水部自是世莫有見水部者

郭恕先

郭恕先洛陽人也五代時人少能屬文善史書小學通九經七歲舉童子後漢湘陰公辟

從事前與記室董商事拂衣去後周太祖召為周易博士宋國初與監察御史符昭文爭忿於朝堂貶乾州司戶秩滿去官遂不復仕縱放岐雍陝洛之間達人無貴賤常口稱苗值山水即日不去幾絕穀數旬不食盛

夏暴體日中衣不沾汗大寒鑿冰而浴方冰漸釋太宗素聞其名召歸闕入館於內侍省押班實神興舍恕先長髯而美忽盡刺之神興驚問其故恕先曰聊以效顰爾神興大怒太宗以其少檢除國子監主簿出館于大學益縱酒肆言時政黜登州至齊州臨邑謂都送吏曰我遊矣因踏地為穴度可容面俯窺焉而卒枕藁葬道左後數月故舊取其尸改葬但衣衾存焉蓋尸解也

陳陶

陳陶潯浦人少好學善天文長於歌頌知兩唐李氏運祚不振遂絕搢紳之望乃築室西山以吟詠自樂及以修煉為事有闕居雜興詩傳世宋太祖開寶中人見一吏角髻披褐與一練師入城鬻藥得錢即市餅就爐相對

飲白傍若無人醉即歌唱人以爲陶走婦焉
或云已得仙今西山香城寺有讀書堂

孫成

孫成不知何許人善爲詩預知休咎至廬山
以詩題九天使者廟云獨入玄宮禮至真焚
香不爲賤貧身秦淮兩岸沙堆骨滄浦千家
血染壘廬草雲煙誰是主虎溪風月屬何人
九江太守勤王事好放天兵渡要津不數年
金陵板蕩九江重圍人受塗炭竟應詩賦後
歿於南昌人棄之江中尸乃游流而上莫不
異之以爲得道尸解仙云矣

許堅

許堅字介石廬江人也或曰本晉長史穆之
裔形陋而怪長滿七尺幘巾芒鞋短襦至軒
亦無齋裝惟自負布囊而已性嗜酒善爲文
尤好吟詠嘗以策于江南主及以詩上舍人
徐鉉竟拂衣去居常無冬夏常持一大扇自
號江南野人書一絕于扇云噫吟但寫留中
妙飲酒能忘身後名但願長閑有詩酒一溪
風月共清明又題簡寂觀云常恨真風千載

隱洞天還得慈遊遊松楸古色一壇靜鸞鶴
不來清漢高茅氏井寒丹已化玄宗碑斷夢
魂勞分明有箇長生路不向紅塵嘆二毛宋
太祖乾德中其文集願行於世爲人靜默不
苟名聲所居無常多往簡寂觀或白鹿洞人

莫知其趨向也時須濯浴便就溪澗不解衣
帶出而曝衣於石今簡寂大澗中有許堅晒
衣石尚存堅有鼎容三升每得魚不去鱗腸
或烹或炙不加醃鹽熟處旋啗素與焚若水
善焚比渡至大宋太平興國中因漕江南會
堅于簡寂勉以祿仕則堅感不答乃割條金
三百緡爲酒資以券授之堅准而不謝既半
暮木嘗一言或爲之請之則飲酒市魚歡然
醉舞或有借券而往公府亦從之至焚將解
職就索券券亦亡其所之其曠達自任如此

後往茅山或之九華隨意所適人不能測亦
未嘗見其筮屢又嘗至陽羨一日涉西洋忽
凌波闊步而行衆方驚以爲神真宗景德末
卒於金陵歲餘兵部員外郎陳靖職舟秦淮
謂兩日前於洪井見堅來謁門刺尚在及登

其瘞無所復睹人以爲尸解云

沈麟

沈麟字廷瑞筠陽人唐吏部郎中彬之仲子
幼而執操已異雅好希夷之理性至孝父死
廬墓三年惠鳥集其墓後棄妻學道于麻姑
山一云玉筍山常衣單褐風雪不易人道新
衣多轉以遺貧之或棄之嗜酒工詩時人呼
爲沈道者直造州縣徑入坐階一日宰正聽
訟麟醉至宰戲之曰沈道者何日道成麟即
書几曰何須問我道成時紫府清都自有期
手握藥苗人不識體合仙骨俗安知書符解
遣龍蛇走動印還教海嶽移他日丹青誰是
侶青童引駕紫雲隨洗足日行數百里往來
玉筍浮雲林栖野宿南唐係大中詣玉筍精
思院隸籍冠褐入室養氣人罕得見宋太宗
雍熙二年上元日禺中整冠褐閉戶焚香燕
坐握固而化同志爲藏屍於群玉峯之西鐵
柱岡之東後月二十日有閩山道士曾昭瑩
來訪玉筍途中遇之因問曰道者何之答曰
暫到玄都尋當入廬山遺度人經二卷詩一

篇與昭瑩云南北東西事人間會也無昔嘗
栖玉筍今也返玄都雲片隨天闌泉聲落石
孤丹霄人有約去採石舊蒲昭瑩訝其語不
凡人宮首訪之其徒云羽化去矣昭瑩出示
經與詩衆識其字畫殊以驚駭昭瑩異其弟
至其墓所觀之得片紙於墓側有詩云虛勞
瑩殞玉山前脫跡誰知已駭輝應是元神歸
紫府更無遺魄在黃泉藥囊止有修丹訣塵
世空留悟道篇堪嘆浮生今古事北却山下
草芊芊驗其墓有穴可尺餘向左畔開空棺
而已或謂尸解焉有南中人多識之嘗有詩
寄其故人陳智周云與君相別後別後會難
期金鼎消紅日丹田養紫芝訪君難可約懷
我豈無詩休羨繁華事百年能幾時智周尋
於端拱間及第授衛陽尉終南唐列傳沈彬
次子廷瑞有道術嗜酒却粒寒暑一單褐數
十年不易既行日數百里林栖露宿多在玉
筍浮雲二山老而不衰後不知所終

黃葛護

巫山道士黃葛護常以符藥救人蜀王王建

居之鋪草薦水面沂流而上一日至成都

歷世真仙體道通鑑卷之四十六

正一天師清微弟子 洪百堅 製作

道教學術資訊網站

歷世真仙體道通鑑卷之四十七

潛四

許雲山聖壽萬年宮道主題道一編修

陳搏

先生姓陳名搏字圖南號扶搖子亳州真源
人也與老子同鄉里一云普州崇龕人恐是後來隱居之所生
而不能言始四五歲戲渦水之濱有青衣媼
召置懷中乳之自是能言聰悟過人及長經
史一覽無遺一云自束髮不為兒戲年十五詩禮書數
至方藥之書莫不通究親喪先生曰吾向所
學足以記姓名而已吾將棄此遊泰山之巔
長松之下與安期黃石輩論出世法合不死
藥安能與世俗輩脂韋汨沒出入生死輪迴
間哉乃盡其家業散以遺人惟攜一石鐺而
去唐士大夫挹其清風欲識先生面如景星
彩雲之出爭先睹之為快先生皆不與之友
由是謝絕人事野冠草服行歌坐樂日遊市
肆若入無人之境或上酒樓或宿野店多游
京國間後唐明宗聞先生名親為手詔召先
生至長揖人主明宗待之愈謹賜先生號清
虛處士仍以宮女三人賜先生先生為表謝